

文淵閣

影印

四庫全書

影印

文淵閣四庫全書

第三三〇冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本册目次

宋史全文(二)

元不著撰人……………一

欽定四庫全書

史部
宋史全文卷一

詳校官編修 臣 潘廷筠

侍讀 臣 孫球覆勘

總校官降調編修 臣 倉聖脉

校對官助教 臣 張曾敦

謄錄監生 臣 張鴻仁

欽定四庫全書

史部二

宋史全文

編年類

提要

臣等謹案宋史全文三十六卷不著撰人名

氏原本題曰續通鑑長編而以李燾進長編

表冠之於前是直以為燾之長編矣案燾成

書在孝宗時所錄止及北宋此本實載南宋

一代之事其非出燾手明甚檢勘此書每卷

欽定四庫全書

宋史全文
提要

標題皆有宋史全文四字而永樂大典宋字

韻內亦多載宋史全文與長編截然二書又

此本目錄前有坊間原題稱本堂得宋鑑善

本乃名公所編前宋已盛行再付諸梓云云

蓋本元人所編而坊賈刊行時假燾名以欺

世耳惟考永樂大典所收之書皆載入文淵

閣書目乃宋鑑多至六部獨不見宋史全文

之名或亦楊士奇等編輯時因標題而致誤

歟又別本之未有商邱宋肇跋曰宋李燾有通鑑長編百三十八卷續長編集要六十八卷續宋編年十八卷今世藏書家往往求之甚渴此三十六卷是元人所刊卷首割去著書人名姓卷末割去大元字其為元胡宏續

通鑑長編無疑云云則又臆斷之語未見其有確證也其書自建隆以迄咸淳用編年之體以次排纂其靖康以前亦本於燾之長編

而頗加刪節高孝二代則取諸留正之中興聖政草今以永樂大典所載聖政草相與參校其文大同小異留正等所附案語亦援引甚多至光寧以後則別無藍本可據為編書者所自綴輯故永樂大典於光寧二宗下亦全收此書之文勘對並合其於諸家議論採錄尤富如呂中講義何備龜鑑李沆太祖實錄論足國論富弼等釋呂源等增釋陳瓘論

大事記諸書雖其立說不盡精醇而原書世多失傳亦足以資參考也惟原本第三十六卷內度宗少帝及益王廣王事蹟俱有錄無書永樂大典亦未採今姑仍其闕焉乾隆四十六年十一月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

宋史全文卷一

宋太祖一

庚申建隆元年春正月辛丑朔鎮定二州言契丹入寇北漢兵自土門東下與契丹合周帝命太祖領宿衛諸將禦之太祖自殿前都虞候再遷都點檢掌軍政凡六年士卒服其恩威數從征伐薦立大功人望固已歸之於是主少國疑中外始有推戴之議壬寅殿前副都點檢慕容延釗將前軍先發時都下驪言將以出軍之日策點檢為天子士民恐怖爭為逃匿之計惟內庭晏然不知癸卯大軍出愛景門紀律嚴甚衆心稍安軍校苗訓者號知天文見日下復有一日黑光久相磨盪指謂太祖親吏楚昭輔曰此天命也是夕次陳橋驛將士相與聚議曰主上幼弱我輩出死力破賊誰則知之不如先立點檢為天子然後北征未晚也都押衙李處耘具以事白太祖弟匡義及掌書記趙普因共以事理曉譬

之曰太尉忠赤必不汝赦諸將相顧亦有稍稍引去者

已而復集露刃大言曰軍中偶語則族今已定議太尉

若不從則我輩亦安敢退而受禍普察其勢不可遏與

匡義同聲叱之曰策立大事也固宜審圖爾等何得便

肆狂悖乃各就坐聽命普復謂曰外寇壓境將莫誰何

盍先攘却歸始議此諸將不可曰方今政出多門若俟

寇退師還則事變未可知也但當亟入京城策立太尉

徐引而北破賊不難苟不受策六軍決亦難使向前矣

欽定四庫全書

宋史全文

二

普謂匡義曰事既無可奈何政須早與約束因語諸將曰興王易姓雖云天命實繫人心前軍昨已過河節度使各據方面京師若亂不惟外寇愈深四方必轉生變若能嚴勅軍士勿令剽劫都城人心不搖則四方自然寧謐諸將亦可長保富貴矣皆許諾乃其部分夜遣衙隊軍使郭延贊馳告殿前都指揮使石守信都虞候王審琦二人皆素歸心太祖者也將士環列待旦太祖醉卧初不省甲辰黎明軍士擐甲執兵直叩寢門曰諸將

無主願策太尉為天子太祖驚起披衣未及酬應則相與扶出聽事或以黃袍加太祖身且羅拜庭下稱萬歲太祖固拒之眾不可遂相與扶太祖上馬擁逼南行匡義立於馬前請以剽劫為戒太祖度不得免乃攬轡誓諸將曰汝等自貪富貴立我為天子能從我命則可不然我不能為若主也眾皆下馬曰唯命是聽太祖曰少帝及太后我皆北面事之公卿大臣皆我比肩之人也汝等無得輒加凌暴近世帝王初入京城皆縱兵大掠擅劫府庫汝等無得復然事定當厚賞汝不然當族誅汝眾皆拜乃整軍自仁和門入秋毫無所犯宰相早朝未退聞變范質下殿執王溥手曰倉卒遣將吾輩之罪也爪入溥手幾出血溥噤不能對副都指揮使韓通自內庭奔歸將率眾備禦王彥昇逐殺之并其妻子諸將翼太祖登明德門太祖令軍士解甲還營太祖亦歸公署釋黃袍俄而將士擁范質等俱至太祖嗚咽流涕曰吾受世宗厚恩為六軍所迫一旦至此慙負天地將若

之何質等未及對散指揮都虞候羅彥瓌挺劍而前曰我輩無主今日必得天子質等不知所為溥降階先拜質不得已從之遂稱萬歲太祖詣崇元殿行禪代禮召文武官就列至晡班定獨未有周帝禪位制書翰林承旨陶穀出諸袖中遂用之詔書曰天生烝民樹之司牧二帝惟公而受禪三王乘時而革命其極一也予末小子遭家不造人心已去天命有歸咨爾歸德軍節度使殿前都點檢趙某稟上聖之姿有神武之略佐我高祖格于皇天逮事世宗功存納麓東征西怨厥績懋焉天地鬼神享于有德謳歌獄訟歸于至仁應天順人法堯禪舜如釋重負予其作賓嗚呼欽哉祇畏天命宣徽使引太祖就龍墀北面拜受宰相扶太祖升殿易服東序還即位羣臣拜賀奉周帝為鄭王太后為周太后遷居西京乙巳詔因所領節度州名定有天下之號曰宋改元大赦

呂中曰穎濱謂孟子不嗜殺人之言至是又驗矣蓋自後唐以來不五十年天下五易天人之厭亂極矣

豈其使于戈糜爛不已而海內無一統之期哉唐明
宗有天生聖人之祝而太祖實生于是一統之期則天命所
歸不待指日光相盪而後知也自其掌軍政之時士
卒服其恩威中外同于推戴則人心所屬不待次陳
橋驛而後見也漢唐初興亦不過是然高祖之取天
下出于沛父老之請太祖之得天下亦出于軍士之
擁迫不得已而為之其與唐太宗陷父于不義以起
兵者異矣抑五代之亂帝王屢易者莫非藩鎮士卒
也矧又有如石守信王審琦者將豈能帖然于下哉
一號令之間秋毫無犯不惟救生靈塗炭之苦亦可
草叔李兵戈之禍自非聰明
神武而不殺者孰能與于此

眉山蘇軾曰予觀漢高祖及光武及唐太宗及我
祖皇帝能一天下者四君皆以不嗜殺人者致之其
餘殺人愈多而天下愈亂秦晉及隋力能合之而好
殺不已故或合而復分或遂以亡國焉龜鑑曰戰

欽定四庫全書

宋史全文

五

國交爭而合于秦民苦秦暴秦不能一而漢一之南
北分裂而合于隋人厭隋亂隋不能一而唐一之五
季之餘分閏位天下紛紛而未一也我太祖得天下
以仁而民從之故天下于一于宋真人勃起開創大業
是又跨唐虞越漢唐而與帝王匹休也亦知宋興之
由乎我太祖之生蓋天成人丁亥歲也祥光瑞采
流為精英異芳幽藹鬱為神氣帝王之興自有珍符
信不誣也居有雲氣出有日暈天心之眷顧篤矣俚
語稱趙神言誇宋人心之向慕久矣天與之人與之
而太祖則不知也方其北面周朝奉命征討赫聲濯
靈所向輒克顯德之七年太祖生三十有四年矣采
薇采薇薇亦作止時蓋正月之上日也是月也京師
已有推戴之語而內庭未之知我出我車于彼牧矣
時蓋是月之三日也是日也將士又有推戴之語而
太祖未之聞越翼日甲辰寢門未開擁逼者至太祖
未及語而黃袍已加之身矣意河南之避舜猶有辭

大垌之至湯猶有待事勢至此聖人不得以遊乎舜
湯之天矣奈之何哉則亦有母虐臣主之誓而已有
母掠民庶之誓而已三遜三辭逼免而受之能律將
士以保周宗而不能使周禪之不歸能擇長者房州
之奉而不能遏陳橋之逼天實為之吾其謂何歐陽
子紀五代史也書梁漢曰亡書晉曰滅至周則大書
之曰遜于位宋興烏乎我宋之受命其應天順人之
舉乎受命之日市不易肆仁之至也卧榻之側他睡
不容義
之盡也

沛都仰給漕運故河渠最為急務先是歲調丁夫開
浚淤淺糧糧皆民自備丁未詔悉從官給遂著為式又
以河北仍歲豐稔穀價彌賤命高價以糴之

欽定四庫全書

宋史全文

六

呂中曰沛與洛俱河南地也國家不都洛而都沛者
以四方輻湊漕運之法遠近俱便故也東南之粟自
沛河入陝西之粟自黃河入陳蔡之粟自惠民河入
京師之粟自廣濟河入論四河之所入則東南為多
此太祖所以有不及百年東南
民力竭之憂而欲都西京也

上之入也閭巷姦民往往乘便攘奪于是索得數輩
斬于市被掠者官償其貲 戊申追贈韓通中書令以
禮葬之嘉其臨難不苟免也以王彥昇專殺終身不授
節鉞 乙卯遣使往諸州賑貸

呂中曰上以甲辰即位而乙卯遂遣使賑貸豈有得
天下之初欲以是要譽于人哉惟天惠民惟辟奉天

當時之民苦于干戈苦于賦斂苦于刑役為人父母
見子弟之饑寒則寒裳濡足以救之此武王下車未
幾而散財發粟之心也

以趙普為右諫議大夫樞密直學士皇弟匡義加睦州
防禦使賜名光義立宗廟詔百官集議尚書省兵部
尚書張昭等上奏曰謹按堯舜禹皆立五廟蓋二昭二
穆與其始祖也有商建國改立六廟蓋昭穆之外祀契
與湯也周立七廟蓋親廟之外祀太祖文王武王也伏
請追尊高曾四代號謚崇建廟室制可 國朝宗廟之

欽定四庫全書

宋史全文
卷一

制歲以四孟月及季冬凡五享朔望薦食薦新三年一
祫以孟冬五年一禘以孟夏其七祀春祠司命及戶夏
祀竈季夏別祭中霤秋祀門及厲冬祀行惟臘享禘祫
徧七祀如親行告謝及新主祔謁即權罷時享告日用
牢饌備祀官

朱文公曰臣以為太祖受命之初未遑他事首尊四
祖之廟後以太祖受命立極當為始祖而祫享東向
而禧祖初無功德親盡當祧而已臣深考其說而以
人心之所安者揆之則禧祖者太祖之高祖考雖歷
世久遠功德無傳然四世之後篤生神孫應天順人
以寧兆庶其功德蓋不必自親為之然後為盛也

二月尊帝母南郡夫人杜氏為皇太后 以范質自司
徒平章事昭文館大學士參知樞密院事加侍中王溥
自右僕射平章事監修國史參知樞密院事加司空魏
仁浦自樞密使中書侍郎平章事集賢院大學士加右
僕射 丙戌長春節宰相率百官上壽賜宴相國寺辛
卯大宴于廣德殿凡誕節後擇日大宴自此始 中書
舍人扈蒙權知貢舉奏進士合格者楊礪等一十九人
三月宿州火燔民廬舍萬餘區遣中使安撫之 壬

欽定四庫全書

宋史全文
卷一

戌追尊祖考為皇帝妣為皇后高祖幽都縣令朮謚曰
文獻廟號僖祖陵曰欽陵祖妣崔氏謚曰文懿曾祖兼
御史中丞珽謚曰惠元廟號順祖陵曰康陵祖妣桑氏
謚曰惠明皇祖涿州刺史敬謚曰簡恭廟號翼祖陵曰
定陵妣劉氏謚曰簡穆皇考周龍捷左廂都指揮使岳
州防禦使弘殷謚曰昭武廟號宣祖陵曰安陵 有司
言國家受周末德木生火宋繼周當以火德王色尚赤
臘用戌從之

曾鞏政要曰博士和峴言稽始伊耆而三代有嘉平
清祀稽祭之名稽臘之別名也漢承火德以戌日為
臘臘接也言新以相接故田獵取禽以報百神享宗
廟旁及五祀以教孝盡虔晉魏因之唐以上王貞觀
之祭尚用前寅稽百神卯日祭社官辰日臘宗廟至
開元始定禮制三祭皆于臘辰以應土德議者是之
宋興推應火德以戌日為臘而獨以前七日辛卯稽
不應于禮請如開元故事稽百神祀社稷享宗廟同
用戌臘如禮
便制曰可

兼判太常寺事竇儼上言三王之興禮樂不相沿襲

聖宋建皇極一代之樂宜乎立名請改周樂文舞崇德
之舞為文德之舞武舞衆成之舞為武功之舞改樂章

欽定四庫全書

宋史全文

九

十二順為十二安蓋取治世之音安以樂之義夏四月

詔行之 昭義節度使兼中書令太原李筠在鎮逾八

年恃勇專恣招集亡命周世宗每優容之及上遣使諭

以受禪筠即欲拒命左右為陳歷數乃僂俛下拜既延

使者陞階置酒張樂遽索周祖畫像置廳壁涕泣不已

賓佐惶駭告使臣曰令公被酒失其常性幸毋怪也北

漢主知筠有異志潛以蠟書誘筠筠雖具奏而反謀已

決筠長子守節涕泣切諫筠不聽遂遣守節入朝且伺

朝廷動靜上迎謂曰太子汝何故來守節矍然以頭擊

地曰陛下何言此必有讒人間臣父也上曰吾亦聞汝

數諫老賊不汝聽不復顧藉故遣汝來欲吾殺汝耳盍

歸語而父我未為天子時任汝自為之我既為天子汝

獨不能小讓我耶守節馳歸具以告筠反謀愈急于北

漢納欵求援 乙酉遣使分詣京城門賜飢民粥 李

筠又遣兵襲澤州殺刺史張福據其城 丙戌昭義反

書至樞密吳廷祚言于上曰潞州巖險賊若固守未可

欽定四庫全書

宋史全文

十

以歲月破然李筠素驕易無謀宜速擊之彼必恃勇出

闕但離巢穴即成擒矣上納其言戊子遣石守信高

懷德帥前軍進討上勅守信等曰勿縱筠下太原急引

兵扼其隘破之必矣上召三司使張美調兵食是日大

宴廣德殿張美言懷州刺史馬令琮度李筠必反日夜

儲侍以待王師上善之亟令以團練使授令琮宰相范

質言大軍北伐方藉令琮供億不可移他郡遂升為懷

州團練使授之

富弼曰太祖賞功任人深得其術懷州刺史知車駕將至日夜儲蓄以待王師故有團練之命用賞其勞又以移別郡則他官供億未必練其事必不能繼令琮之功故特升本州使名以授之恩寵如是之異其得人乎盡力乎

五月己亥朔日有食之上降服出次百官各守其司

李筠復請北漢主舉軍南下北漢主從之傾國自將出栢林谷羣臣餞之汾水趙華曰李筠舉事輕易事必無成陛下掃境赴之臣未見其可也北漢主拂衣上馬行至太平驛遣其平章事衛融宣徽使盧贊將兵救筠筠

欽定四庫全書

宋史全文

十一

留其長子守節守上黨自帥其衆南出上以畿甸委

輸京師吏多旁緣為姦民或咨怨乙巳命殿中侍御史

王伸監察御史王祐戶部郎中沈義倫等八人分領在

京諸倉丁巳詔親征命吳廷祚為東京留守呂餘慶

副之皇弟光義為大內都點檢韓令坤率兵屯河陽已

未上發大梁壬戌西京留守向拱勸上急濟河踰太行

乘賊未集而擊之稽留旬浹則其鋒益熾矣趙普亦言

賊意國家新造未能出征若倍道兼行掩其不備可一

戰而克上納其言甲子次河陽丙寅次懷州丁卯石守

信等破賊三萬餘衆于澤州南獲北漢節度使范守圖

殺盧贊筠遁入澤州嬰城自固六月己巳上至澤州督

兵攻城逾旬不下上召指揮使馬全義賜食命坐問以

計策全義請并力急攻緩之恐生變上即命諸軍奮擊

全義率敢死士先登飛矢貫臂流血被體全義拔鋌進

戰士氣益奮上率衛兵繼之辛巳克其城李筠赴火死

獲其北漢宰相衛融乙酉進攻潞州丁亥筠子守節以

欽定四庫全書

宋史全文

十二

城降上赦其罪陞單州為團練用守節為使北漢主遁

歸謂趙華曰卒如卿言吾幸全師以歸但恨失衛融盧

贊爾丁酉上發潞州秋七月戊申上至京師初衛融

之被執也上詰融曰汝教劉鈞助李筠反何也融從容

對曰犬各吠非其主陛下宜速殺臣必不為陛下用縱

不然終當間道走河東耳上怒命左右以鐵槌擊其首

流血被面融呼曰臣得死所矣上曰忠臣也釋之以良

藥傳其瘡命融為太府卿

呂中曰先取澤潞所以通兩淮之咽喉次取淮南所以通兩淮之門戶自此而平吳蜀自此而取荆廣混一規模大畧亦可觀矣

初成德節度使郭崇聞上受禪時或涕泣監軍陳思誨密奏崇懷怨望上曰我素知崇篤于恩義此蓋感激所發耳然亦遣使偵之使者審崇無他即歸奏之上喜曰我固知崇不反也已而崇請入朝 澶州蝗遣使督官吏分捕 八月戊辰朔御崇元殿設仗衛羣臣入閣置待詔候對官賜廊下食 保義節度使河東索彥性克欽定四庫全書 宋史全文 卷一 十三 率及聞禪代日夜繕甲治兵上命潘美往監其軍遂圖之美單騎入城諭令朝覲彥即治裝上道上喜謂左右曰潘美不殺索彥成我志矣丙子徙彥為彰信節度使忠武節度使兼侍中陽曲張永德徙武勝節度使上將有事于北漢因密訪策略永德曰太原兵少而悍加以契丹為援未可倉卒取也臣愚以為每歲多設遊兵擾其田事仍發間使諜虜絕其援然後可圖上曰善初上征澤潞趙普因皇弟光義請行許之及第推功賞

上曰普宜在優等戊子以普為兵部侍郎充樞密副使九月丙午御崇元殿備禮冊四親廟宰相率百官進名以奉慰 淮南節度使兼中書令滄人李重進周太祖之甥也始與上俱事世宗分掌兵權及上受禪命韓令坤代重進為馬步軍都指揮使重進請入朝上意未欲與重進相見上謂翰林學士饒陽李昉曰善為我辭以拒之昉草詔云君為元首臣作股肱雖在遠方還同一體保君臣之分方契永圖修朝覲之儀何須此日重進得詔愈不自安乃招集亡命陰為背叛之計 貶中書舍人趙逢為房州司戶參軍上之親征澤潞也山徑狹隘多石上自取數石于馬上抱之羣臣六軍皆爭負石逢憚涉險偽傷足留懷州及師還將除拜逢又稱疾請于私第草制上怒下御史劾其罪而黜之 己未重進反書以聞上命石守信王審琦李處耘宋延握帥禁兵討之 冬十月丁卯朔賜百官諸軍校冬服諸州長吏屯戍將士遣使就賜之 壬申河決棣州厭次縣又

決滑州靈河縣 詔諸道所具版籍之數陞降天下縣

望以四千戶以上為望三千戶以上為緊二千戶以上

為上千戶以上為中不滿千戶為中下仍請三年一貢

戶口之籍別定陞降從之凡望縣五十緊縣六十七上

縣八十九中縣一百一十五中下縣一百一十總九十

六萬七千三百五十三戶 乙酉晉州言兵馬鈐轄鄭

州防禦使荆罕儒戰沒北漢主欲生致罕儒及聞其死

求殺罕儒者戮之上痛悼不已擢其子守勲為西京武

欽定四庫全書

宋史全文

十五

德副使 上問樞密副使趙普以揚州事宜普曰李重

進守薛公之下策昧武侯之遠圖憑恃長淮繕修孤壘

無諸葛誕之恩信士卒離心有素本初之強梁計謀不

用外絕救援內乏資糧急攻亦取緩攻亦取兵法尚速

不如速取之上納其言丁亥下詔親征庚戌上發京師

百司六軍並乘舟東下十一月甲辰次泗州捨舟登陸

命諸將鼓行而前丁未至大義驛石守信遣使馳奏揚

州即破請上亟臨視是夕次其城下登時攻拔之李重

進盡室赴火死已酉賑給揚州城中民米人一斛十歲

以下給其半為重進脅以隸軍者賜衣履縱之庚戌詔

重進家屬部曲並釋罪逃亡者聽自首尸骸暴露者收

瘞之役夫死城下者人賜絹三匹復其家三年

呂中曰上之入京也韓通率眾備禦上之即位也李筠泣周祖畫像以起兵重進以周祖之甥而起兵雖

在周為頑民在商為忠臣然三人者皆不知天命之所歸也正易所謂後夫凶也

乙卯唐主李景遣左僕射江都嚴續來犒師庚申復遣

其子從鎰戶部尚書新安馮延魯來置宴上厲色謂延

欽定四庫全書

宋史全文

十六

魯曰汝國主何故與吾叛臣交通延魯曰陛下徒知其

交通不知預其反謀也上詰其故延魯曰重進使者館

于臣家國主令人語之曰男子不得志固有反但時有

不可陛下初立人心未安交兵上黨當是時不反今

人心已定方隅無事乃欲以殘破揚州數千弊卒抗萬

乘之師借使韓白復生必無成理雖有兵食不敢相資

重進卒以失援而敗上曰雖然諸將皆勸吾乘勝濟江

何如延魯曰陛下神武御六師以臨小國蕞爾江南安

敢抗天威然國主侍衛數萬皆先主親兵誓同生死陛下能棄數萬與之血戰則可矣且大江風濤苟進未克城退之糧道亦大國之憂也上笑曰聊戲卿耳豈聽卿遊說耶 十二月己巳上發揚州丁亥至京師 上既即位欲陰察羣情鄉背頗為微行或諫曰陛下新得天下人心未安今數輕出萬一有不虞之變其可悔乎上笑曰帝王之興自有天命求之亦不可得拒之亦不能止周世宗見諸將方面大耳者皆殺之然我亦終日侍側不能害我若應為天下主誰能圖之不應為天下主雖閉門深居何益既而微行愈數曰有天命者任自為之我不汝禁也由是中外懾服親軍校有獻手櫬者上曰此何以異于常櫬而獻之軍校密言曰陛下試引櫬首視之櫬首即劍柄也有刃韜于柄中居常可以為杖緩急以備不虞上笑投之于地曰使我親用此物事將奈何且當是時此物固足恃乎一日罷朝坐便殿不樂者久之左右請其故上曰爾謂天子為容易耶屬乘快

指揮一事而誤故不樂耳 嘗彈雀于後苑或稱有急

事請見上亟見之其所奏過常事爾上怒詰之對曰臣

以為尚急于彈雀上愈怒舉斧柄撞其口墮兩齒其人

徐俯拾齒置懷中上罵曰汝懷齒欲訟我乎對曰臣不

能訟陛下自當有史官書之也上悅賜金帛慰勞之

辛酉建隆二年春正月丙申朔御崇元殿受朝賀御廣

德殿羣臣上壽 壬寅幸造船務觀習水戰已酉上御

明德門觀燈 壬子商州言羣鼠食苗詔蠲其常賦

周顯德末分命常參官詣諸州度民田多為民所訴上

將循世宗之制謂侍臣曰度田蓋欲勤恤下民而民愈

弊甚今當精擇其人以副朕意丁巳分遣常參官詣諸

州度民田

呂中曰孟子所謂經界與後人所謂經界異孟子以

井地不均穀祿不平而行經界後世以民產不均稅

錢不登而正經界也蓋民產不均則業歸大家而產

留不登而正經界也蓋民產不均則業歸大家而產
經界之法未行則度田之使不可以不遣版籍戶鈔
不可以不也然上之遣使則曰勤恤民隱豈若建
武檢校墾田多有煩擾者哉

詔發京師陳許丁夫以陳承昭督之道閔水自新鄭與蔡水合貫京師南以通淮右舟楫 監修國史王溥等上唐會要一百卷詔藏史館 二月丙寅幸飛山軍營閱砲車命給事中范陽劉載往定陶督曹單丁夫三萬浚五丈渠自都城北歷曹濟及鄆以通東方之漕上因謂侍臣曰煩民奉已之事朕必不為也開導溝洫以濟京邑蓋不獲已耳 癸酉權知貢舉竇儀奏進士張去華等合格者十一人 甲戌幸城南觀修水櫃 先是

欽定四庫全書

宋史全文

十九

藩鎮率遣親吏視民租入槩量增益公取餘羨符彥卿在天雄軍取諸民尤悉上聞之即遣常參官分主其事民始不困於重斂于是出公粟賜彥卿以愧其心 舊制竊盜贓滿絹三匹者棄市已丑改為錢三千其陌八十 令民二月至九月無得採捕蟲魚彈射飛鳥有司歲申明之 令文武官及致仕官僧道百姓自今長春節及他慶賀不得輒有貢獻 三月上步自明德門幸作坊宴射酒酣顧前鳳翔節度使兼中書令臨清王彥

超曰卿曩在復州朕往依卿卿何不納我彥超降堦頓首曰當時臣一刺史耳勺水豈可容神龍乎使臣納陛下陛下安有今日上大笑而罷閏三月甲子朔彥超上表待罪于私第上遣中使慰撫之因謂侍臣曰沈湎于酒何以為人朕或因宴會至醉經宿未嘗不悔也 丁丑金商房三州民飢遣使賑之 詔課民種植每縣定民籍為五等第一種雜木百每等減二十為差桑棗半之男女十歲以上人種韭一畦闊一步長十步乏井者

欽定四庫全書

宋史全文

二十

鄰伍為鑿之令佐以春秋巡視其數秩滿赴調有司第其課而為之殿最又詔自今民有逃亡者本州具戶籍頃畝以聞即檢視之勿使親鄰代輸其租 夏四月癸巳朔日有食之 甲午大名館陶民郭贊詣闕訴括田不均詔令他縣官按視所隱頃畝皆實上怒本縣令程迪決杖流海島給事中常準為括田使責降兩官 左贊善大夫申文緯奉詔按田清河縣令李瑤受贓文緯不之察為部民所訴杖殺李瑤文緯除籍為民 漢初

犯私麴者並棄市周祖始令至五斤死上以周法尚峻
壬申詔民犯私麴十五斤以私酒入城至三斗者始處
極典其餘罪有差私市酒麴減造者之半 上又以前
朝鹽法太峻是日定令官鹽闌入禁地貿易至十斤煮
鹹至三斤者乃坐死民所受蠶鹽以入城市三十斤以
上者奏裁 五月癸亥朔上御崇元殿受朝服通天冠
絳紗袍仗衛如式 皇太后寢疾上憂懼乃曲赦天下
乙丑天狗墮西南 甲戌令殿前侍衛司及諸州長
吏閱所部兵驍勇者升其籍老弱怯懦者去之初置刺
員以處退兵 舊制文武常參官各以曹務閒劇為月
限考滿即遷上謂宰相曰若是非循名責實之道會魏
仁滌等治市征有美利已卯並詔增秩因罷歲月序遷
之制 令諸州勿復調民給傳置悉代以軍卒 五代
以來刑典弛廢州郡掌獄吏不明習律令守牧多武人
率恣意用法金州民馬從玘子漢惠無賴嘗害其從弟
又好為敘數間里患之從玘與妻及次子共殺漢惠防

禦使仇超判官左扶悉按誅從玘妻及次子上怒超等
故入死罪令有司劾之並除名流於海島自是人知奉
法矣 六月甲午皇太后杜氏崩后聰明有智度每與
上參決大政猶呼趙普為書記常撫之曰趙書記且為
盡心吾兒未更事也寢疾上侍藥餌不離左右疾革召
普入受遺命后問上曰汝自知所以得天下乎上嗚咽
不能對后曰吾方語汝以大事而但哭耶問之如初上
曰此皆祖考及太后之餘慶也后曰不然政由柴氏使
幼兒主天下羣心不附故耳汝與光義皆我所生汝後
當傳位汝弟四海至廣能立長君社稷之福也上頓首
泣曰敢不如太后教因謂普曰汝同記吾言不可違也
普即就榻前為誓書于紙尾署曰臣普記上藏其書于
金櫃命謹密宮人掌之

講義曰以皇太后而知社稷之至計益有
聖母必有聖子也高曹向孟之賢始于此
龜鑑曰慈闈一語金櫃預盟十七載倦勤之後舉神
龍之大誓而授之龍行虎步之天子堯舜授受曾不
是過劉元城嘗曰三代而下漢唐不
能彷彿其萬一益亦歎詠于斯云